

Hong Sawqdiemj Binjbaiz Langhyawj “Denjying Cunghvaz” Banzlungz

Diemj Segih

Hwnqguh Biengjbaiz

Nanzningz Hailangh

10 nyied 14 hauh, hong sawqdiemj hwnqguh binjbaiz langhyawj “denjying Cunghvaz” diemj hwnqguh Nanzningz Banzlungz Segih biengjbaiz hailangh, aen sawqdiemj neix youz Gvangjsih Siujsoq Minzczu Sawgeq Baujhoh Yenzgiu Cunghsinh、Gvangjsih Minzczu Yijvwz Yenzgiu Cunghsinh、Gvangjsih Minzczu Cuzbanjse、Gvangjsih Gyauyuz Cuzbanjse daengj danvih caemh daiqdaeuz hwnqguh, Guekgya Minzvej Daengx Guek Siujsoq Minzczu Sawgeq Cingileix Yenzgiusiz daezhawj yezvuz cijdauj, gak caemhhwnq danvih fucwzyinz caeuq daibyaui camgya hozdung biengjbaiz.

Hwnqguh binjbaiz langhyawj “denjying Cunghvaz” aeu gij swhsiengj vwnzva caeuq gij swhsiengj youqgaenj gvendaengz gyagiengz caeuq gajjndei hong minzczu Siz Ginbingz guh

cijdauj, hopheux diuz sienqmeh couqmaenh gij eiqsik Cunghvaz Minzczu ranz vunz ndeu, cauhlaeb aen bingzdaiz vwnzva cienzboq guh goeng’ik comz doigvangq senhconz yawjsaw daengj goengnaengz youq doxcaez. Gaxgonq, aen binjbaiz neix gaenq youq Gvangjsih Minzczu Dayoz Duzsuhgvanj daengj dieg biengjbaiz hailangh, ngamq miz di cingzyauq, rengz yingyangj sevei ciemh hung.

Banzlungz Segih dwg aen cizdij guhyiengh daengx guek minzczu doxgiet baenaj, hix dwg aen gihcwngz segih Siz Ginbingz cungjsuhgi daeuj cazyawj cijdauj gvaq haenx. Youq neix laeb sawqdiemj, dwg lozsiz gij gidij guhfap ciji cingsaenz cungjsuhgi “Gvangjsih hwnqguh gih guhyiengh couqmaenh gij eiqsik Cunghvaz Minzczu ranz vunz ndeu, aeu daj gihcwngz segih gaem hwnj”,

hix dwg saedhengz doidoengh Cunghvaz conzdungj vwnzva maenhndei cauhguh cienjvaq、cauhmoq hwnghat. Doenggvaq hwnqguh binjbaiz, ndaej hawj Cunghvaz ginghdenj daengj vwnzva dijbauj yungz haeuj ndwenngoengz segih ginzcong, gyagiengz daengx sevei nyinhdoengz Cunghvaz vwnzva, vih doidoengh couqmaenh gij eiqsik Cunghvaz Minzczu ranz vunz ndeu daezhawj gaiqdap caeuq neiyungz.

Gawq roxyiuj, cieplaeng Gvangjsih mizgven danvih yaek laebdaeb doidoengh binjbaiz langhyawj “denjying Cunghvaz” haeuj hagdangz、vwnzboz cangzgvanj、lajmbanj、segih、giyez、dieg hozdung cunghgyau daengj, baenzyamq cauhlaeb vangjloz dijhi daengxcungq cienzboq Cunghvaz conzdungj vwnzva maenhndei.

(Vangz Yinz/黄云 Couh Senhyangz/周先阳 Cwnz Yizsenz/岑奕璇)

Liujcouh:

Hozdung Yenzgiu Hagsib Cienz Yinxdaeuz Minzczu Vwnzva

Gaenh ngoenz neix, ciengz hozdung yenzgiu hagsib ndeu youq Liujcouh Lungdzanz Gunghyenz Mbanjdung guh. Liuzcouh Si Gyaholu Siujyoz、Bwzcanlu Siujyoz、Bwzcoz Swsiuj、Sanhcunghlu Siujyoz 800 lai boux siujhagseng doxcomz gizneix, caenndang daejniemh gij vwnzva caeuq dinfwngz feihyiz Duncuz, gamjsouh gij yinxdaeuz minzczu vwnzva.

(Lungz Siengz/龙翔 Yangz Ginz/杨琴 Gyaj Sudauz/贾树桃)



▲Gyoengq hagseng baijok gij cozbini caebnyumx gag guh haenx. Yangz Ginz ing

Yinhcwngz:

Bwzyanghgoj Bienqbaenz “Makgim”

Seizcou, Yinhcwngz Yen Majsw Yangh ndaw Gauhlungz giekdeih ung dinmak bwzyanghgoj, bouxndaemmak cingq nyaengq ung dinmak bwzyanghgoj. Aen giekdeih neix baengh dinfwngz ung dinmak gohgi civei nungzyez, doigvangq dinfwngz cinwngzva、gyoebcomzvaq, bi ung dinmak mauhgvaq 200 fanh go. Gij dinmak neix gai daengz Yinznanz、Gveicouh、Gvangjdungh daengj dieg, doidoengh nungzyez demyauq、bouxguh naz demsou, vih lajmbanj saenqhwngh dwk haeuj rengzdoengh haenqrem.

(Fanz Saugvangh/樊绍光)



▲Vunzndaemmak youq ndaw giekdeih ung din mak.

Denzyangz: Ciengq Go

Diuq Foux Hoh Doxdax

10 nyied 16 hauh, 2025 hop Gvangjsih goengloh danci seiqgyaiq cunzdaug doxdax (duenh Cingsih—Bahmaj) ginggvaq Bwzswz Si Denzyangz Gih, dangdieg ginzcong comz youq henz loh yawj doxdax, roq laz roq gyong, foux lungz foux sae, ciengq go diuq foux, yienhciengz heiqfaenh gig nauhyied.

(Vangz Gozsun/黄国顺)



▲Cehdui hai gvaq gyanghaw Denzyangz.